

Alte Drucke

Liber Quartus Psalmorum, In Quo Grande illud de Redemptione totius Adami, rerumque omnium ejus gratiâ Restitutione, Mysterium, hactenus Mundo ...

Serrurier, Pierre

Amsterodami, 1668

Psalm. XCVII.

Nutzungsbedingungen

Die Digitalisate des Francke-Portals sind urheberrechtlich geschützt. Sie dürfen für wissenschaftliche und private Zwecke heruntergeladen und ausgedruckt werden. Vorhandene Herkunftsbezeichnungen dürfen dabei nicht entfernt werden.

Eine kommerzielle oder institutionelle Nutzung oder Veröffentlichung dieser Inhalte ist ohne vorheriges schriftliches Einverständnis des Studienzentrums August Hermann Francke der Franckeschen Stiftungen nicht gestattet, das ggf. auf weitere Institutionen als Rechteinhaber verweist. Für die Veröffentlichung der Digitalisate können gemäß der Gebührenordnung der Franckeschen Stiftungen Entgelte erhoben werden.

Zur Erteilung einer Veröffentlichungsgenehmigung wenden Sie sich bitte an die Leiterin des Studienzentrums, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

Terms of use

All digital documents of the Francke-Portal are protected by copyright. They may be downloaded and printed only for non-commercial educational, research and private purposes. Attached provenance marks may not be removed.

Commercial or institutional use or publication of these digital documents in printed or digital form is not allowed without obtaining prior written permission by the Study Center August Hermann Francke of the Francke Foundations which can refer to other institutions as right holders. If digital documents are published, the Study Center is entitled to charge a fee in accordance with the scale of charges of the Francke Foundations.

For reproduction requests and permissions, please contact the head of the Study Center, Frau Dr. Britta Klosterberg, Franckeplatz 1, Haus 22-24, 06110 Halle (studienzentrum@francke-halle.de)

urn:nbn:de:hbz:ha33-1-173812

P S A L M. XCVII.

S E U

Sexta CANTICI de MAGNO SABBATHO Pars, quæ
 itidem Electorum quædam vox est, seu Tuba quarta, etiam
 ad Insulas usque pertingens, & vocatur ab Apost.
 Hebr. I. 6. Psalmus, in quo Primogenitus, id est,
 CHRISTUS, denuò (id est Secunda vice)
 in Mundum Introducitur.

1. **E**N Regni DEUS ipse sui moderatur habenas!
 Gaudeat hinc Terra ac Insula quæque Maris!
 Quam vagus Oceanus refluis complectitur undis,
 Sub quocunque Globi cardine, sive Polo.
2. Hunc circum umbriferæ Nubis prætexit amictus,
 Noxque tenebrosa veste cooperuit.
 Iustitia est Regni solium, immotumque tribunal,
 Et comitantur eum Iudicii famuli.
3. Antè volant seruum rutilantes Fulminis Ignes,
 Flammaque concomitans obvia quæque vorat.
4. Fulguribusque micat latè flagrantibus æther,
 Quæ cum Terra videt, tota tremiscit hians.
5. Saxa fluunt, rapido ceu Cera liquefcit ab igne,
 A facie Cælorum & Dominantis eis.
6. Ejus Iustitiam Cæli testantur, & omnes
 Cætus, Majestas quanta sit ista vident.
7. Hos pudeat qui vana colunt Idola, suisque
 Sculptilibus miseri Numen inesse putant.
 Huic uni genua ô reliqui submitte Divi,
 O reliqui, tantum Nomina vana, Dei!

I

Vel

*Vel quos sæpe Deos dicit sacra Pagina (sive
Terricolas inter Cælicolũmve Choros.)*

*Huic soli servite omnes, huic munera ferte,
Hunc solum precibus supplicibus colite.*

8. *Audiit hæc afflictæ SION, & Filia JUDÆ,
Utraque Iudiciis letificata tuis.*

9. *Nam procul astriferi trans ignea Mœnia Cæli,
Tu, rerum pollens, omnia solus agis.
Teque Deos infra longè premis altior omnes,
Hosque tuo obscuras lumine terrifico.*

10. *Ergo Deum quicumque volet constanter amare,
Hunc decet à vitiis abstinuisse manus.
Cordi namque Deo est Pietas, Vitamque Piorum
Eruit ex foveâ, restituitque sibi.*

11. *Et Letum effundit lumen Cultoribus æqui,
Et facit internis deliciis fluere.*

12. *Vos quibus est cordi reverentia Iuris & æqui,
Gaudete, & Nomen glorificate Dei!*

Hic Psalmus est quasi appendix præcedentis *Novi Cantici*, utpote continuatio quædam, seu reiteratio Tubæ, non solum per omnem Orbis habitabilis Continentem, sed & per Insulas etiam clangentis. In hunc Psalmum alludit Apost. Paulus quando de reducendo in Mundum Primogenito, sic loquitur: *Et cum iterum introducit Primogenitum in Orbem terrarum, dicit, Et adorent eum Omnes Angeli Dei.* Quæ verba quum hinc sint desumpta, Sole clariùs inde apparet, heic Primogenitum iterum, id est *secunda vice*, in Orbem terrarum introduci. Quis autem ille Primogenitus, qui cum semel in Mundum missus fuerit, iterum erit mittendus? non amplius ad patiendum, sed ad regnandum; non in formâ Servi, sed in formâ Filii DEI? non ut judicetur à Mundo, sed ut judicet Mundum? Quis, inquam, ille? Nisi JESUS CHRISTUS, benedictus in sæcula? prout ex Psal. 89. 28. Col. 1. 15. & Hebr. 2. 10. evidenter liquet. Atqui si est JESUS qui heic introducit, tunc ille יְהוָה iste est, in quem totus hic Psalmus, imo & omnia hæc Magni Sabbathi Cantica, respiciunt, ut supra notavimus. Atqui si ille Jehova iste est, qui heic introducit, considera quid discriminis sit futurum inter Primum & Secundum ejus adventum. Tria autem heic Capita observo.

I. Solennem Introductionem hujus Regnantis, vers. 1, 2, 3, 4, 5.

II. Ejusdem Effecta & Operationes, tam in Cælo quàm in Terrâ, vers. 6, 7, 8, 9.

III. Consolationem pro iis qui Deum amant, & Justitiam operantur. vers. 10. 11. 12.

Quòd

Quod Primum attinet, nempe Solennem hujus Regis introductionem in Mundum, illud habemus in his verbis

1. *Jehova regnat, exultet Terra! latentur Insulae multae.* 2. *Nubes & caligo in circuitu ejus: Justitia & judicium habitaculum Solii ejus.* 3. *Ignis coram eo ambulat, & exurit in circuitu hostes ejus.* 4. *Illustrant fulgura ejus Orbem: videt & tremet Terra.* 5. *Montes sicut Cera dissolvuntur à facie Jehovae, à facie Domini totius Terrae.*

Hæc Primogeniti, seu Regentis summi, Introductio nobis heic describitur ex Circumstantiis, quæ sunt quinque.

Quorum Primam ponimus in Voce, seu Tuba illâ, quæ ad Terram universam & Insulas multas proclamât, dicendo: *Jehova Regnat*: Ille tam diu exoptatus Dominus & Regens, qui tibi, ô Terra, pro spinis & tribulis omnimodam restituet benedictionem; qui opprobrium tuum à te tollet, & primigenium tuum decorem tibi reddet; & qui Vos, ô Insulæ, iterum cum Terrâ Continente coadunabit: unde meritò est, cur exultet Terra, & cur latentur Insulæ.

Secunda hujus Introductionis Circumstantia, est, *quod in circuitu ejus sint Nubes & caligo*; velut tentorium quo circumvallatur, vel Currus in quo vehitur, vel tanquam Velum quo nimis effulgentem suæ faciei claritatem velut obteggit. Alii Reges & Dynastæ, se volucrum pennis & velleribus pecudum vestiunt, aut tapetis & aulæis hominum manibus confectis: Ast hic prodit cum Nube & Caligine, non aliter quàm ipse Sol, eoque ostendit, se nullius creaturæ indigere, sed ejus creaturas omnes indigere: & quicquid ipse præcipit, aut optat, suo mandato aut voto omnia parere. Ratio hæc est. *Eo quod Justitia & Judicium sint habitaculum seu firmitudo Throni ipsius.* Quemadmodum enim antehac, Injustitia, & eam consequens Judicium, Primum Adamum & omnes ejus posteros, jure illo quod habebat in omnes creaturas privavit, ejusque regnum & solium in Terrâ prorsus evertit: ita nunc Justitia quoque, & eam consequens Judicium, Secundo Adamo suum in omnes creaturas jus restituet, & Solium suum pro se & suis in æternum confirmabit. vers. 2.

Tertia hujus Introductionis Circumstantia est, *Quod Ignis coram eo ambulet*; qui exurat undiquaque hostes, faciatque ut omnes ejus adversarii non sint nisi stramen & stipula à facie ignis. vers. 3.

Quarta Circumstantia, quod *fulgor ex eo lucens erit Fulguris instar*, quod totam terram illustrat, prout in Fulmine videre est. Quocirca & Dom. Jesus, Luc. xvij. 24. Adventum suum, (sive internum in Animam cujuslibet fidelis, sive externum hunc in totum Mundum) assimilât Fulguri, quando dicit: *Nam sicut fulgur coruscans ex una regione quæ sub cælo est splendet: Ita & Filius hominis erit die suo.* Quemadmodum igitur Fulgur, ubicunque apparet, se- ipsum omnium oculis manifestat; ita & hic J. Christi adventus omnibus hominibus se manifestum reddet, eisque pavorem & tremorem incutiet, vers. 4. *Illustrant fulgura ejus Orbem; videt & tremet Terra.*

Quinta Circumstantia est, *quod Montes* (id est quicquid altum & elatum est, à facie ejus velut Cera liquecet: ut ipse solus die illo exaltetur. Sic quoque loquebatur Esa. ij. vers. 11, 12. quando dicit; *Quod oculi elati humiliabuntur, & quod incurvabitur altitudo hominis, & quod Jehova solus in die illa exaltabitur.* Nempe, ipse ille Jehova de quo heic, vers. 5. *Montes dissolventur sicut Cera à facie Jehovæ, à facie Domini totius terræ.*

En, confer jam hanc secundam Primogeniti in Mundum Introductionem cum primo ejus Adventu! & oppone semel has quinque Circumstantias istis, quæ in primo ejus Adventu notantur. Quomodo nunc non nudus, & veste destitutus, apparebit; sed gloriâ & fortitudine indutus. Non laneis aut lineis fasciis involutus, sed undiquaque Nube & Caligine circumdatus: non velut Agnellus macerationi dandus, sed velut Leo, suos in circuitu Inimicos domiturus; Non velut quis, qui ad sua venit & à suis tamen non recipitur; sed velut Fulgur quod lumen suum vibrat, seque ipsum omnium oculis manifestat. Non amplius velut quis, contra quem insurgant omnes Magni & Potentes hujus Mundi, se obdurantes contra eum; sed velut quis, à cujus facie omnes Magni & Potentes hujus Mundi tanquam Cera liquecant. Quis de tali Adventu, seu Introductione aliqujus Regis, aut Dynastæ, unquam audit?

II. Effecta autem & Operationes hujus tam Illustris Introductionis, tam in Cœlo quam in Terra (quod secundum hujus Psalmi Caput statuimus) exprimentur, vers. 6, 7, 8, 9.

6. *Annuncient Cœli Justitiam ejus, & videant omnes Populi gloriam ejus.*

7. *Pudore afficiantur omnes qui serviunt Sculptilibus, qui jactant se de Idolis: Incurvate vos ei Omnes Dii!* 8. *Audit, & latata est SION, & exultaverunt filia Jehudah, propter Judicia tua, Jehova.* 9. *Quoniam tu Jehova excelsus super omnem terram: valde exaltatus es super omnes Deos.*

Effecta & Operationes hujus Magni Regis Introductionis conspiciuntur tam suprà, inter Cœli incolas, ac infrà, inter Terræ habitatores; nec non & in Sione & in Filiabus Jehudah.

Incolæ Cœli sunt Angeli DEI: qui, percepto hujus Regis Introitu, illico Justitiam ejus sunt annunciaturi, dicendo (prout suprà ex Apoc. 5. allegavi) *Eum dignum esse qui accipiat Fortitudinem, Divitias, Sapientiam, Potestatem & gloriam.* Et velut Majestatis suæ Ministri in circuitu Throni continuè stabunt. Matth. xxv. 31. Et non modò Cœli Incolæ hujus gloriæ Cômities & Spectatores erunt, sed & quicunque tunc temporis Terram inhabitabunt, videbunt ejus gloriam. Et quicunque inter eos sculptilibus se incurvaverant & Idolis servierant, magno tunc pudore suffundentur, nescientes quò se vertant à facie hujus Primogeniti & Filii Altissimi: cujus autoritas & dignitas talis erit, ut etiam Angelis DEI (nam ita vertit Apost. hæc verba ad Hebr. 1. 6.) disertè Mandatum hoc detur: *Incurvate vos ei omnes Dii: Quantò magis iis, qui in Terris Dii nominantur?* vers. 7. *Pudore afficiantur omnes qui serviunt Sculptilibus, & qui jactant se de Idolis: Incurvate vos Ei omnes Dii.* Id est Angeli. Sedecontrà, qui Sculptilibus non servierunt, & de Idolis se non jactarunt, quemadmodum SION & Filia Jehudah, illi tunc non pudefient; sed Domino in occursum ibunt, de ipsius judicii summopere gavisi, dicendo: *Tu Jehova excelsus super omnem terram: valde exaltatus es super omnes Deos.* vers. 9.

Per Sionem intelligimus Conversos Judæos, & per Filias Jehudah omnes verè DEUM Conistentes; qui spe Gratiæ & Misericordiæ Divinæ sese humiliter & patienter sub DEI castigatione & judiciis submisere, & eum in diem usque ita perfitere. Hi enim, quamprimum Regem gloriæ in hoc suo Adventu per-

perceperint, præ gaudio exultabunt, & de judiciis DEI ex corde gloriabuntur. En hæc sunt Effecta & Operationes tam Cœlo quàm Terrâ conspicuæ, hujus Magnificentissimi Regis Secundi in Mundum Introitus. Sequitur

Tertium hujus Psalmi Caput, quod est Consolatio ad eos directæ, qui DEUM amant & Justitiam operantur; vers. 10, 11, 12.

10. *Qui diligitis Jehovam, odio habete malum: custodit animas misericordium suorum; & manu impiorum eruit eos.* 11. *Lux lata est Justo, & rectis corde Latitia.*

12. *Latamini justi in Jehova, & confitemini memoria Sanctitatis ejus.*

Posset quidem hæc Consolatio, hodierno afflictionum & expectationum tempore applicari, ad nos interim roborandos in spem gloriosi istius successus, quo tandem fruuntur qui verè DEUM amasse & Justitiam exercuisse tunc reperiuntur: Sed, quia hic Psalmus propriè Magnum illud Sabbathum spectat, post quod iterum Solutio quædam Satanae sequutura sit, nec non & alia inter Terræ Incolas Seductio quædam; idèd satius duxi hanc Consolationem sumere, velut præmonitorium quid, & præcautionem, ne quis in diebus Gogi & Magogi se tam facile à Malo devinci ac seduci patiatur; sed malum potius odio habeat & justitiam diligat, quo semel perceptum à Domino gaudium, firmum & constans perpetuè maneat. Tanquam si dixisset Psalmista. *Vos qui Dominum, per apparitionem suam & gloriosum in Regnum suum introitum, diligere semel capistis, videte ut dehinc porro Malum odio habeatis; utpote scientes & vivâ experientiâ edocti, quam Deus animas Sanctorum præservat, & è manu & potestate Impiorum eripit. Si cum SIONE & omnibus Jehuda filiabus libenter gaudere, & continuè in luce & latitiâ Cordis permanere cupitis; sci tote, Quod Lux lata est Justis, non vero injustis: & quod latitia sit pro Rectis Corde, non pro insynceris animo.* Unde reverà dicere possum, *Latamini Justi in Jehova, &c.*

PSALM. XCVIII.

SEU

Septima CANTICI de Magno Sabbatho Pars, quæ itidem Electorum vox & Tuba quinta est, per quam omnes Terræ Incolæ ad DEI laudem & cultum excitantur, occasione sumptâ à Pop. Israëliti in Terram suam reductione, & gratiosa DEI, sui Pacti cum Patribus transacti, recordatione.

1. **E***Ia, Novum JOVÆ carmen cantate, Novisque
Laudibus ad cœlos tollite Sacra DEI!*

I 3

Fecit